





FALE  
FACULDADE DE LETRAS


U F M G



INTERPRETAÇÃO DE TEXTOS E ATIVIDADES GRAMATICAIS NA LÍNGUA GUAJAJÁRA







# INTERPRETAÇÃO DE TEXTOS E ATIVIDADES GRAMATICAIS NA LÍNGUA **GUAJAJÁRA**

1º EDIÇÃO

BELO HORIZONTE

2018



UNIVERSIDADE FEDERAL DE MINAS GERAIS  
FACULDADE DE LETRAS - UFMG

## LABORATÓRIO DE LÍNGUAS INDÍGENAS | LALIAFRO

### COORDENADOR:

Professor Doutor Fábio Bonfim Duarte

### ORGANIZADORES:

Fábio Bonfim Duarte  
Cíntia Maria Santana da Silva  
Quesler Fagundes Camargos  
Ricardo Campos Castro  
Marina da Silva Guajajara

### PROJETO GRÁFICO E DIAGRAMAÇÃO:

Sília Moan

### ILUSTRADORES:

Cícera Guajajára  
Erisvaldo Guajajára  
Jamilson Guajajára  
Jó Lima Guajajára  
Jocivaldo Guajajára  
Jonas Lima Guajajára  
Francisco Neto Guajajára  
Lemilda Guajajára  
Maísa Guajajára  
Milton Guajajára  
Paula Guajajára  
Valéria Guajajara  
Cristiano Caragiú Guajajara Filho  
Maria Francisca Santana Viana Guajajara

Ficha catalográfica elaborada pelos Bibliotecários da Biblioteca FALE/UFMG

I61

Interpretação de textos e atividades gramaticais na língua guajajára / Fábio Bonfim Duarte (coord.) ; Cíntia Mara Santana da Silva... [et al.] (org.). – Belo Horizonte : FALE/UFMG, 2018.  
70 p. : il., fotos., color.

ISBN: 978-85-7758-334-8


1. Línguas indígenas. 2. Índios da América do Sul – Brasil. 3. Língua tenetehara - Gramática. 4. Índios tenetehara I. Duarte, Fábio Bonfim. II.Silva, Cíntia Mara Santana da. III. Título.

CDD : 498.3



## SUMÁRIO

Apresentação	04
Amume'u putar zawaruhu rehe ma'e mume'u haw ihe kury	06
Pytun hyru ika awer ku'em hetà wàm kury	18
Ka'a rehe ma'e imume'uhaw	30
Kuzà izapo awer	34
Ma'e zehu izypy mehe arer imume'u haw	40
Tupàn kanu zapo awer	48
Amo kuzà rehe ma'e imume'u haw tapi'ir rehe wà	56
Zahytata rehe ma'e imume'u haw zahy rehe wà	66





## APRESENTAÇÃO




O material que disponibilizamos neste livro é o resultado de um esforço conjunto de buscar estratégias as quais visam contribuir com a documentação cultural e a preservação linguística da língua Tenetehára, uma vez que essa é uma língua falada por cerca de 25.000 indígenas e que está fortemente ameaçada, tendo em conta a pressão que o contato com a língua portuguesa impõe a seus falantes. Como resultado, muitos indígenas vêm abandonando a sua língua nativa, situação que não é desejável, pois uma língua, para manter-se viva, precisa ser repassada para as gerações mais jovens, do contrário corre risco de desaparecer. Desse maneira, acreditamos que esta iniciativa pode permitir que os Tenetehára tenham maior controle social das relações linguísticas, interculturais, econômicas e políticas, além de ter acesso a instrumentos culturais que lhes permitam dominar a modalidade escrita de sua língua nativa.

Os Tenetehára habitam atualmente duas regiões distintas. Os Tembé residem na região correspondente ao alto do Rio Gurupi, divisa entre os estados do Pará e do Maranhão, enquanto os Guajajára estão localizados no interior do estado do Maranhão; mais precisamente na região correspondente ao vale do Rio Pindaré, nas proximidades da cidade de Santa Inês, e nos municípios de Amarante, Arame, Barra do Corda e Grajaú, dentre outras áreas. Os Tenetehára constituíam no passado uma grande nação Tupí-Guaraní que habitava os rios Pindaré e Caru, no Estado do Maranhão. Segundo registros de cronistas e colonizadores nos séculos XVII e XVIII, o território original dos Tenetehára (Tembé e Guajajára) deve ter sido a região do vale do rio Pindaré.

O material que apresentamos neste livro foi produzido por professores e estudantes indígenas durante as oficinas de revitalização linguística que





desenvolvemos nas Terras Indígenas Arariboia e Caru no período de 2012 a 2016. Além disso, o volume contou com a supervisão dos professores indígenas envolvidos nas atividades, principalmente Cíntia Guajajára, Moisés Guajajára, Luiz Carlos Guajajára, Zezico Guajajára, Raimundo Alves de Lima Guajajára, Danúbia Guajajára dentre outros.

Este livro tem por objetivo permitir que professores e alunos obtenham acesso a textos de leitura e atividades de treinamento da estrutura gramatical da língua indígena, no intuito de contribuir para o maior conhecimento da modalidade escrita da sua língua nativa. Este material deve ser utilizado, principalmente, pelos alunos do ensino médio que estejam matriculados nos cursos de língua materna. Ele tem por objetivo o treinamento da leitura e de aspectos selecionados da gramática da língua Guajajára, tais como a estrutura dos verbos, a ordem dos constituintes oracionais, o uso das posições, o uso das partículas de segunda posição e de final de sentença, a formação de estruturas interrogativas, dentre outros tópicos gramaticais.

Acreditamos que este trabalho pode estimular o gosto pela leitura e escrita, de modo que os alunos possam desenvolver o apreço pela própria língua nativa.

Em suma, esperamos que essa publicação sirva para que alunos e professores encontrem suporte adicional para as atividades de alfabetização e leitura em sua língua materna.

Este livro de exercícios contou ainda com a coordenação e supervisão do Laboratório de Pesquisas em Línguas Indígenas da Faculdade de Letras da UFMG (LALIAFRO). Esta é ainda uma edição experimental, de sorte que pretendemos expandi-la e melhorá-la em etapas futuras de nossa cooperação linguística com os povos Tenetehára. Em resumo, este livro pode contribuir com o letramento e com o aprimoramento linguístico dos professores e dos alunos nas escolas Tenetehára.

Gostaríamos, por fim, de agradecer à Sônia Guajajara e à Fundação OAK pela importante colaboração internacional, que ajudou a financiar a publicação deste livro.


Prof. Fábio Bonfim Duarte  
Professor Doutor da Faculdade de Letras da UFMG

Profa. Cíntia Maria Santana da Silva  
Professora indígena/Lagoa Quieta/TI Araribóia

Prof. Quesler Fagundes Camargos  
Professor Doutor do Departamento de Educação Intercultural da UNIR

Prof. Ricardo Campos Castro  
Pós-doutorando em Linguística da UNICAMP/FAPESP

Belo Horizonte, fevereiro de 2018





# 1

## AMUME'U PUTAR ZAWARUHU REHE MA'E MUME'U HAW IHE KURY

Milton Bento de Souza Guajajara

Nezewe zekaipo wiko a'e. Ima'e ahy zekaipo, Na'e rupi wixez oho ywykwar pupe. Uzuru-peka pà. Na'e zekaipo omono kar uze'eg miar wanupe. "Pemyrypar romo aiko ihe. A'e rupi heze'eg amono kar pe me". I'i zekaipo miar wanupe, ta'e amàno etea'i ihe xe. I'i mu'a'u zekaipo wanupe. Zaha hexak pà nehe ty wà. I'i zekaipo miar upaw rupi uezuepeupe wà no. Zawaruhu zekaipo wàro in a'e kury. Ywykwar pupe uzurupeka pà a'e no. Na'e zekaipo hexakar uhem oho a'e pe ywykwar huake wà kury. "Zanekaruk ty". I'i zekaipo izupe wà. "Zanekaruk aipo, i'i zekaipo zawaruhu wanupe a'e no". "Peixez ty wà". I'i mua'u zekaipo wanupe. Na'e wixez oho ywykwar pupe a'e wà no. Upaw waneinez izuru pupe wà. Upaw wa'un wà kury. Tuweharupi zekaipo uzapo nezewe miar wanupe. Amo 'ar rehe zekaipo omo-no kar wi, uze'eg miar wanupe no.

Oho hexak pà wà no. Peixez ty wà, i'i zekai-po zawaruhu in ywykwar pupe wanupe. Wi-xez miar oho a'e wà no. Wixez izuru pe wà. Upaw wa'un a'e wà no. Na'e zekaipo omono kar uze'eg awara pe kury. Na'e zekaipo awara oho hexak pà a'e no. Uhem oho a'e pe a'e no. Ume'egatu zekaipo awara amogwer wapypor rehe, wexak xo waneinez awer zo. Nuexak kwaw wazewyr awer. Kwa, màràzàwe tuwe aipo pa. I'i zekaipo awara uezuepe. Xo "Waneiez awer zo heta wapypor". "Wazewyr awer naheta kwaw wapypor". I'i zekaipo awara uezuepe. "Kwa, naheranaiwete pixik kwaw ihe". "Naixez pixik kwaw aha ihe". I'i zekaipo zawaruhu pe. "Eixez katu ty". "Nan aha putar ihe i'i izupe". Oho zekaipo awara izuwi. "Okwa okwa okwa", i'i zekaipo zawaruhu. Te umàno kury. Ta'e uezeputupykahy awara iho awer rehe a'e. Xe upaw kury. Nezewe zekaipo a'e mehe.



## ZEMU'E KATU HAW



1. Heta amo ma'e mume'uhaw paper rehe imuapyk pyrer xe ywate kutyr a'e  
wà, emume'u puranuhaw ywykutyr imuwapyk pyrer ne là.

a. Màràzàwe zekwehe zàwàruhu wiko a'e?

b. Màràzàwe zekwehe uzapo kury?

c. Zawaruhu zekaipo omonokar ze'eg iny miar wanupe a'e?

d. Màràzewe mehe a'e?

e. Màràn haw katu u'ar ywykwar pupe miar a'e là?

f. Ma'e nugar miar zekaipo ukwaw katu ma'e iko a'e?

g. Màràzewe mehe zekaipo awara noho kwaw ywykwar pupe a'e?

h. Ma'e nugar miar her ma'e hemu'em amogwer miar wanupe?

i. Ma'e ze'eg imume'uhaw xe a'e?



## ZEMU'E KATU HAW



2. Ezapo ywykutyr ze'eg ikair pyrer pegwer ne wà, ze'egete rupi.

.....

.....

.....

.....

.....



## ZEMU'E KATU HAW



3. Ezapo amo ae nema'emume'u haw xe ne kury.

.....

.....

.....

.....

.....



## ZEMU'E KATU HAW

2

1. Exak ze'eg izawy kair pyrer ne nehe:

- a. Na'e zekaipo omono kar uze'eg miar wanupe.
- b. I'i zekaipo miar wanupe.
- c. I'i mua'u zekaipo wanupe.
- d. Zawaruhi wàro zekaipo in a'e kury.
- e. Na'e zekaipo hexakar uhem oho a'e pe ywykwar huake wà kury.

2. Màràzewe mehe nupuner kwaw ze'eg "zekaipo" imuapykaw na'iruiz ze'eg renaw pe rehe nehe?

.....  
.....  
.....  
.....  
.....



# ZEMU'E KATU HAW

3  


1. Ekair mokoz ze'eg "zekaipo", "zekwehe", "kakwez", "rakwez" rehe:

a. Zekwehe

.....

b. Zekaipo

.....

c. Kakwez

.....

d. Rakwez

.....



## ZEMU'E KATU HAW

4

1. Eme'egatu ze'egpegwer zemu'e katu haw rehe:

### 'Aw ze'eg 1

a-ta	ihe
re-ata	ne
w-ata	a'e
xi-ata	zane
ru-ata	ure
pe-ata	pe
w-ata	a'e wà

### 'Aw ze'eg 2

a-pyhyk	ihe
re-pyhyk	ne
u- pyhyk	a'e
xi-pyhyk	zane
uru-pyhyk	ure
pe-pyhyk	pe
u-pyhyk	a'e wà

2. Emono'ongatu ze'eg pegwer amo ze'eg wapohaw rehe:

### 'Aw ze'eg 3

he-ø-kene'o	ihe
ne-ø-kene'o	ne
i-ø-kene'o	a'e
zane-ø-kene'o	zane
ure-ø-kene'o	ure
pe-ø-kene'o	pe
i-ø-kene'o	a'e wà

### 'Aw ze'eg 4

he-r-upehyz
ne-r-upehyz
h-upehyz
zane-r-upehyz
uru-r-upehyz
pe-n-upehyz
h-upehyz



# ZEMU'E KATU HAW

5



1. Echo ze'eguhu muapyk pyrer rehe zawaahu mume'uhaw rehe enuhem amugwer ze'eg pyahu wà.  
A'e rer, emuza'aza'ak amugwer ze'eg pyahu uzewi wà.

## Verbos de atividade

w-iko  
w-ixez  
o-ho  
u-zuru-peka  
o-mono kar  
ae-xak-ete  
a-putu'u  
a-pyhyk

## Verbos de estado

i-ma'e ahy  
i-'i  
i-piàtà  
i-agaiw  
h-aku  
h-aime  
h-uwixàg  
h-ahy



## ZEMU'E KATU HAW

6  


### 1. Exak 'aw wep hetahaw ywykutyr ne wà

haku	ikaruk	ipy'ape
he'o	ikatu	ipyhun
hi'aga'iw	ikene'o	ipyràgtawa
humyk	iku'em	ipyràng
hupehyz	ikun	ipytun
hurywete	ikyra	itawa
huwy	ima'enukwaw	ixig
huxàgahy	imunar	izemumyk
ihepixika'l	ipirakor	izuma'e
ika'a	ipy'amugetahaw	



## ZEMU'E KATU HAW

6  


2. Epytàro katu ze'eg, emuza'ak 'aw wep mokoz haw hehe katu ne wà:  
'Aw haikwer, emuza'ak wep mokoz haw hehe katu ne wà:

a. Verbos que recebem o prefixo {r-}

he-r-e'o  
he-r-aku

b. Verbos que recebem o prefixo R

he-ø-katu  
he-ø-kyrakatu  
he-ø-py'ape  
he-ø-ma'enukwaw

3. Emono'ongatu ze'eg pegwer amo ze'eg wapohaw rehe:

he-r-aku  
ne-r-aku  
zane-r-aku  
ure-r-aku

he-ø-kyra  
ne-ø-kyra  
zane-ø-kyra  
ure-ø-kyra



## ZEMU'E KATU HAW



1. Exak ze'eg izawy kair pyrer ne nehe:

- a. he i'aga'iw
- b. he kyrakatu
- c. he re'o
- d. azemumyk
- e. he rupehyz

2. Màràzewe mehe nupuner kwaw ze'eg "azemumyk"?

.....  
.....  
.....  
.....  
.....  
.....  
.....  
.....



## ZEMU'E KATU HAW

8  


1. Exak ze'eg izawy kair pyrer ne nehe:

- a. ( ) he zuka
- b. ( ) ata
- c. ( ) azàn
- d. ( ) apyhyk
- e. ( ) arupehyz

2. Màràzewé mehe nupuner kwaw ze'eg "arupehyz"?

.....  
.....  
.....  
.....  
.....  
.....  
.....  
.....  
.....

17



## PYTUN HYRU IKA AWER KU'EM HETA WÀM KURY

Raimundo Alves de Lima Guajajára

Izypy mehe naheta kwaw pytun a'e. Xo 'ar zo heta. Teko uker 'ar romo wà. Na'ikatu kwaw zanekerhaw 'ar romo, i'i teko wà. Amo teko ima'enukwaw Mair a'yr wa nehe a'e. A'e zo ukwaw katu ma'e a'e wà, i'i wanupe wà. Na'e wenoz wamuwà wà. Na'e uhem zuwà wà. A'e re upuranu wanehe wà. Ma'e pe putar ure wi, i'i wanupe wà. Na'ikatu kwaw urekerhaw 'ar romo, i'i wanupe wà. Urukawaw ywy 'y'a pytun ryru ure. Aze peputar, uruzuka peme nehe. He'e, i'i izupe wà. Weraha kàpitaw uezupi wà. Mair ipureraha wer xo pitài teko rehe a'e wà. Heta amo kwaharer uzauzar ahy ma'e a'e. Wexak kar ywy'y'a henaw wakàpitaw pe wà. Ipupe heta miar pyhaw har wà. Mair uze'eg kàpitaw pe wà. Zazàn kury, ta'e azuka putar pytun hyru kury xe. Na'e Mair uzuka pytun hyru, uzàn wà kury. Mair wexak uzauzar ahy ma'e wà. I'i zekaipo izupe wà. Aipo ereiko tuwe ko rupi rihi ty, i'i izupe wà. Eho nehe uru'e kwez newe, ty i'i izupe wà. Wityk oho wà. Uzàn zepe a'e, ike-ne'o, uhem pytun kury.

Epyta pepe kury karuk muàruàn har romo kury, i'i izupe wà. Uhem taw pe wà. A'e 'ar mehe pytun upyk paw rupi kury. Wiko pytun haw pe wà kury. Uker zekwehe pyhaw wà, ume'e wi wà, uker wi wà no. Naikatu kwaw zaneker haw pa, i'i uezueupe wà. Ta'e zaha pyhaw ko pe zane xe, i'i uezueupe wà. Xikar zaneremi'uràm pyhaw, i'i uezueupe wà. Uze'eg miar tetea'u wanupe wà. Aipo pekwaw zekwawàm imume'u haw ure we pe, upuranu miar wanehe wà. Paw rupi miar uzexakaw herekohar uzegar wà. Nezewe rehe we na'izekwa kwaw wanupe. Mâràzàwe tuen aipo pa nuzekwa kwaw, i'i uezueupe wà. Na'e ima'enukwaw wà, heta we amo miar wà. Akwez miar wà tururiete a'e wà. Amo teko zekwehe wenoz wamuwà wà. Wahem mehe uze'eg wanupe wà. Aipo pepuner pezegar haw rehe urewe pe rihi no. Tururiete oho waàkàg rupi wà. I'i uzegar pà wà, aiko urerur i'i uzegar pà wà. Na'e uzekwa wanupe kury. Te kutàri heta 'ar, heta pytun kury. Xe upaw Mair mume'u haw.



## ZEMU'E KATU HAW



1. Heta amo ma'e mume'uhaw paper rehe imuapyk pyrer xe ywate kutyr a'e wà, emume'u puranuhaw ywykutyr imuwapyk pyrer ne wà.

a. Izypy mehe a'e, ma'e zekwehe nahetakwaw a'e ar mehe?

.....

b. Màràzewe mehe kwaharer uzauzarahy Mair rehe?

.....

c. Màràzewe mehe kwaharer uzarthy a'e?

.....

d. Mo weraha Mair a'yr uezupi wà?

.....

e. Ma'e heta ywy'a pupe a'e?

.....

f. Màràzewe mehe zekwehe tentehar ukwaw Mair a'yr a'e wà?

.....

g. Ma'in zekwehe Mair tenetehar wanupe a'e?

.....

h. Ma'e zekaipo uezapo kwaharer uzauzarahy ma'e pe ikene'o mehe?

.....

i. Ma'e wi Mair ur a'e?

.....





## ZEMU'E KATU HAW



2. Ezapo ywykutyr ze'eg ikair pyrer pegwer ne wà, ze'egete rupi:

.....  
.....  
.....  
.....  
.....



## ZEMU'E KATU HAW



3. Ezapo amo ma'emume'uhaw neremigwaw rupi xe ne kury:

.....

.....

.....

.....

.....



## ZEMU'E KATU HAW



1. Ma'e nugar ze'eg ma'e waner "a'e", "ihe", "wà" rehe ywykutyr kair pyrer wà:

a. Amo teko ima'enukwaw Mair a'yr wanehe a'e

b. He kene'o katu ihe

c. Aexak tenteharer ihe wà



## ZEMU'E KATU HAW



2. Ezapo puranuhaw imunyryk pyràm ze'eg 'iwyw kair pyrer.

a.

Amo teko ima'enukwaw Mair a'yr wanehe a'e.

?

b.

Amo teko ima'enukwaw Mair a'yr wanehe a'e.

?



## ZEMU'E KATU HAW



1. Pezemugeta ze'eg ikwapaw ze'eg 'iwyw kair  
pyrer ywykutyr har wanehe:

- a. Wàro roko tentehar arapuha myta rehe a'e no.
- b. Wàro rakwez tentehar arapuha myta rehe a'e no.
- c. Wàro roko Raimundo arapuha oho hemi'u rehe muyta rehe a'e no.
- d. Wàro Raimundo arapuha oho kwez hemi'u rehe muyta rehe a'e no.
- e. Tyrytyka'i oho kwez.
- f. Wàro rakwez Raimundo arapuha myta rehe a'e no.
- g. Uzemu'e kakwez Raimundo Goiania pe.
- h. Uzemu'e zekwehe Raimundo Goiania pe.
- i. Uzemu'e zekaipo Raimundo Goiania pe.
- j. Wàro na'arew har romo Gracinha Raimundo a'e ri'i.
- k. Reho rakwez ri'i.
- l. Aha rakwez ri'i.



## ZEMU'E KATU HAW



m. Wàro Gracinha Raimundo a'e ra'e.

n. Ra'e putar izupe mehe.

o. Twe i'i Fábio izupe a'e ra'e.

p. Twe i'i Fábio izupe.

q. Wàro Graçinha Raimundo rihi.

r. Ezur xexé rihi.

s. Wàro-putar Gracinha Raimundo a'e nehe.

t. Zaha a'e pe zane nehe.

u. Wàro Gracinha Raimundo kwez.

v. Wàro Gracinha Raimundo kwehe.

x. Reho ra'a?

w. Aipo reho?

y. Aipo oho ra'a?

z. Aipo oho ri'i?



## ZEMU'E KATU HAW



2. A'e pezemugetageta ire, ezapo amo ze'eg wà 'aw ze'eg wanehe: zekaipo, rakwez, kakwez, ri'i, ra'e, kwez, zekwehe, roko, ra'a, nehe, xi'i.

a. A'e ze'eg wà:

.....  
.....

b. 'Aw ze'eg wà:

.....  
.....

c. Amo ze'eg wà:

.....  
.....

d. Kwez ze'eg wà:

.....  
.....

e. Akwez ze'eg wà:

.....  
.....



# ZEMU'E KATU HAW



1. Eme'e ze'eg rehe ywykutyr har wanehe :

zekaipo - ma'e - har - haw - ra'a - kwez - in - iko - tuweharupi - ma'e - ru'u - zekwehe

2. A'e re, pytaro katu ze'eg, emono ze'eng ywykutyr har. Imuapyk pyrer amogwer ze'eg wamytep ne wà

a. Uzuka \_\_\_\_\_ awa arapuha a'e no.

b. Wexak Trajano awa arapuha uzuka \_\_\_\_\_.

c. Wexak awa akuxi izuka\_\_\_\_ a'e.

d. Ukwaw zapo Marlene zapukai i-zuka\_\_\_\_\_ xe a'e \_\_\_\_\_.

e. Ukwaw Marlene zapukai i-zuka-haw xe \_\_\_\_\_ a'e kury.

f. Kwaharer uzuka tatu \_\_\_\_\_ a'e.

g. Kwaharer uzuka tatu \_\_\_\_\_ a'e wà.

h. \_\_\_\_\_ kwaharer uzuka tatu iko a'e wà.

i. Aexak ipuruzuka \_\_\_\_\_ ihe, wexak Quesler ipuruzuka \_\_\_\_\_ a'e no.

j. Wàro \_\_\_\_\_ Raimundo arapuha oho hemi'u rehe muyta rehe a'e no.



## ZEMU'E KATU HAW



1. Eme'e ter ywykutyr har wanehe. A'e re, pytàro amo ze'eg kwehe arer, amo ze'eg pyahu ràm wamono pà no.

	Amo ze'eg kwehe harer	Amo ze'eg pyahu ràm
aguza		
àkàg		
àmàn		
he'ág		
hemiriko		
huwer		
iàkàg		
ko		
kuzà		
kyhaw		
màg		
mihaw		
tapi'a		
tapi'ak		
tata		
tàtà		
tenaw		
ywytu		



## ZEMU'E KATU HAW



1. Ekar ze'eg izypygwer wà, a'e re ze'eg henata romo har wà no.

a. zaha

b. uzapo

c. uzegar

d. zapukaz

e. zapukaz

f. topoz ete



## KA'A REHE MA'E IMUME'UHAW

Jesuíto Guajajára

Kwehe mehe Ararimoz ka'a rehe ikatuahy a'e. A'e rupi heta tetea'u ma'e iputar pyr kakwez ka'a pe a'e no. Ywyra kakwez heta tetea'u i'a kwer a'e no. Heta tetea'u ikatuahy kakwez ywyra iwyr romo no. Miar kakwez heta tetea'u a'e mehe a'e wà rihi. Ta'e heta tetea'u wanemi'u wanupe a'e 'ar mehe a'e xe. Nahehaite kwaw kwakez miar a'e 'ar mehe a'e wà rihi. Ta'e heta tetea'u miar a'e wà xe. Tentehar a'e wà no. Uzekaiw katu ka'a rehe a'e 'ar mehe a'e wà no. Nuwapy kar kwaw ka'a wà no. Aze uzatapy tata ka'a pe wà, upeir a'e pe wà no. Izatapy àwàm wà kury. Aze oho a'e wi wà no, umuew tata wà kury. Oho a'e wi wà kury. Nezewé tentehar uzekaiw katu ka'a rehe a'e 'a mehe wà rihi. Nuwapy kar kwaw ka'a a'e wà rihi. Na'e kakwez oho amo karaiw iko tentehar wapyr a'e kury. Uzemyrypar oho iko tenteharer wanehe a'e kury. Wexak ma'e hekuzar katu ma'e Ararimoz ka'a rehe a'e wà. Uzewyr oho wànàm wanekohaw pe, uzypyrog wi oho uzewyr pà tentehar wapyr no. Uze'eg wi wanupe no. Peme'eg ywyra tykwer ihewe ty wà, i'i karaiw tentehar wanupe no. Amekuzar katu peme nehe, i'i mua'u wanupe. Weruzar tentehar ize'eg a'e wà no. Umugaz ywyra kupa 'yw her ma'e a'e wà kury. Ityhukatu kupa

'yw wanupe. Werur karaiw pe wà kury. Pemono'og tetea'u rihi, i'i karaiw wanupe no. Oho wi tentehar ka'a rupi kupa 'yw imugaz pà wà no. Werur wi izupe a'e wà kury. Hurywete karaiw kupa 'yw tykwer hexak pà a'e kury. Uze'eg tentehar wanupe kury. Tame'eg heraha heànàm wanupe rihi, i'i wanupe kury. Ume'eg heraha uwànàm wanupe kury. Uzewyr tentehar wanupe no. Pixika'i hekuzar rupi ame'eg kwez pa, i'i mua'u wanupe. Werur pità'i awo i'aikwer wanàwanàn katu wanupe no. Hurywete wi tentehar wà no. Uzemono'og pà wà kury. Oho tentehar tetea'u kupa 'yw imugaz pà ka'a rupi wà kury. Wanemireko wà no. Ta'e hurywete awo ia'ikwer hexak pà wà xe. A'e rupi oho ka'a rupi wanupi wà. Amo awa a'e upyro kar wemireko zàwàruhu pe a'e. Amo kuzà a'e pe no. Uhem zàwàruhu wà izupe no. Upyhyk mukuz umemyra'i. Omono ipewok kupe pe a'e wà. Uzuka zàwàruhu wahy wanwi kury. Heta we amo imume'uhaw wà no. Amo kuzà waza uker pà amo wamyter romo no. Kyhaw pupe. Zàwàruhu oho a'e pe hexak pà. Uxi'u henugupy rehe. Uhaw hetymà izuwi a'e. Nanykwaw nezewé zo. Heta we imume'uhaw nehe.



## ZEMU'E KATU HAW



1. Heta amo ma'e mume'uhaw paper rehe imuapyk pyrer xe ywate kutyr a'e wà, emume'u puranuhaw ywykutyr imuwapyk pyrer ne wà.

a. Ma'e nugar ywyra 'yw tentehar umugaz kwehe mehe wà, màràzewe mehe twe umugaz wà no?

.....

b. Màràzewe mehe zekwehe heta tetea'u miar ararimoz ywy rehe kwehe mehe a'e wà rihi?

.....

c. Mon wapy ka'a ywy ararimoz rehe har a'e wà, màràzewe mehe no?

.....

d. Màràzewe mehe zekwehe ywy ararimoz ikatuahy kwehe mehe a'e rihi?

.....

e. Ma'in zekwehe karaiw tenteharer wanupe a'e mehe?

.....

f. Ma'e rehe imume'uhaw xe a'e?

.....

g. Ma'e kakwez heta tete a'u ararimoz ywy rehe kwez 'ar mehe?

.....

h. Ikatuahy zekwehe ywy ararimoz a'e?



## ZEMU'E KATU HAW



- i. Kwehe mehe heta tetea'u miar wanemi'u wanupe a'e?
- j. Ma'e zekwehe karaiw wexak ararimoz ywy rehe?
- k. Máràzewe mehe miar nahehaitekwaw a'e 'ar mehe a'e wà?
- l. Aze zekaipo Tenetehar uzatapy tata ka'a pe wà, ma'e zekaipo uzapo izatapy ipaw ire wà kury?
- m. Ma'e romo iku kupa 'yw tykwer a'e?
- n. Kwehe mehe tentehar a'e wà rihi, uzekaiw katu ka'a rehe a'e 'ar mehe wà. Máràzewe mehe?
- o. Ma'e karaiw werur tenteharer wamekuzahaw romo?
- p. Mon zekwehe oho iko tenteharer wanehe uzemyrypar mua'u pà?
- q. Aipo erekwaw zawaruhi rehe ze'egaw ze'eguhu rehe ikair pyrer ne?
- r. Ko 'ar rehe, ne, ma'e erezapo putar ka'a wanehe nehe?






## ZEMU'E KATU HAW



1. Ezapo puranuhaw 'aw ze'eg wanehe ne wà:

- a. Ma'e ..... ?
- b. Mârâm mehe ..... ?
- c. Ma'e pe ..... ?
- d. Mon ..... ?
- e. Mârân ..... ?
- f. Ma'in ..... ?
- g. Ma'e mehe ..... ?
- h. Ma'e pe ..... ?

- i. Ma'e wi ..... ?
- j. Ma'e nungar ..... ?
- k. Ma'e re ..... ?
- l. Mâràzewe mehe ..... ?
- m. Mâràzewe ..... ?
- n. Aipo ..... ?
- o. Ma'e pe te ..... ?
- p. Ma'e ..... ra'a ..... ?
- q. Ma'en: ..... ?
- r. Ma'em: ..... ?



## KUZÀ IZAPO AWER

### Cíntia Maria Santana da Silva

Izypy mehearer tentehar, naheta kwaw zekai-po hemiriko izupe a'e. A'e rupi, nupuner kwaw zekaipo ipurumuzàg heta haw rehe a'e. Tupàn zekaipo uzapo hemiriko ràm izupe a'e. Ozo'ok zekaipo amo awa izàrukàgwer izuwi a'e. Uzuwàzuwàn zekaipo pakoràn huwer rehe a'e kury. Omono zekaipo ywy zuwa hehe kury. Imuhymuhym pà nezewe a'e. Wenu zekaipo amo kuzàtài izai'o ka'a iwyr wi a'e kury. Tupàn uzapo amo kuzà ràgàpy a'e. I'i zekaipo Tupàn awa pe a'e kury: - Emuzahak ko kuzàtài nehe, ezekaiw hehe nehe no. Hya'u zekaipo a'e kuzà kury. Uzeapo kuzà romo a'e. Wereko zekaipo amo tentehar a'e kury. A'e imemyr ipy zekaipo awa romo a'e. Nezewere imemyr wi wà no. Kuzà imemyr romo kury. Umuzereko kar zekaipo Tupàn a'e wà kury. Nezewere heta wapurumuzàmuzàg wà kury. Waneta àwàm a'e wà kury.



## ZEMU'F KATU HAW



1. Heta amo ma'e mume'uhaw paper rehe imuwapyk pyrer xe ywate kutyr a'e, emume'u puranuhaw ywy kutyr imuwapyk pyrer ne wà:

- a. Màràzàwe mehe zekwehe Tupàn uzapo kuzà a'e kury?
- .....
- b. Màràzàwe zekwehe tupàn uzapo tentehar hemiriko ràm a'e?
- .....
- c. Ma'in zekaipo Tupàn awa pe a'e kury ?
- .....
- d. Màràzàwe mehe tuwe kwehe awa nahetakwaw hemiriko a'e?
- .....
- e. Ma'e nahetakwaw tenetehar pe kwehe mehe rihi?
- .....
- f. Ma'e tuwe awa wenu amo 'ar mehe kury?
- .....
- g. Màràzàwe mehe zekwehe awa naheta kwaw ta'yr izupe a'e?
- .....
- h. Ma'e tupàn uzapo kuzà romo a'e?
- .....
- i. Ma'e nugar imemyr izypy a'e?
- .....
- j. Màràzàwe uezapo kuzà iha'u ire kury?
- .....
- k. Mon Tupàn umuzereko kar a'e 'ar mehe wà kury?
- .....
- l. Ma'e ze'eg imume'u haw xe a'e?
- .....



## ZEMU'F KATU HAW



2. Ezapo ywykutyr ze'eg ikair pyrer pegwer ne wà, ze'egete rupi:

.....

.....

.....

.....

.....

.....




## ZEMU'F KATU HAW



1. Emogeta ze'eg uhu katu. Emume'u puranuhaw kwaw paw ne kury.

a. Emogeta ze'eg uhu katu ywy kutyr har:



b. Màràzàwe mehe kuzà i'i awa pe "ihe ae hepyrog wer zahytata tetea'u wanehe ihe no ma"?

.....

.....

.....

.....

.....


.....

.....

.....



## ZEMU'F KATU HAW



1. Ezapo ze'eg henoz pyr ywy kutyr har wà. Ekair ikwaw paw 'ym haw rupi nehe:

a. Wata kwarer a'e.

---

---

b. Hurywete ahy kuzà iko.

---

---

c. Wexak awa kuzatài taw pe a'e.

---

---

d. Wexak awa kuzà uzeupe a'e.

---

---

e. Weruzahak kuzà umemyr iko a'e.

---

---



## ZEMU'F KATU HAW



### 2. Ekair ikwaw paw 'ym haw rupi nehe:

- a. Uhem awa kwarer izegar mehe izupe a'e.
- b. Wexak tentehar karaiw peke'a tetea'u heraha mehe zutyw wi.
- c. Heta amo teko Zawar ipetek har xe kury.
- d. Pira iphyhk haw.
- e. Uzàn ma'e.
- f. Hemiruze'eg.
- g. Heruze'eg pyr.
- h. Ozo'ok zekaipo amo awa iàrukàgwer izuwi a'e.
- i. Iuhymuhym a'e.
- j. Emuzahak ko kuzàtì nehe.
- k. Ezekaiw hehe nehe no.
- l. Hya'u a'e kuzàtì kury.
- m. Nezewé re imemyr wi wà no.

### 3. Ekair ikwaw paw haw rupi nehe

- a. Nupuner kwaw zekaipo ipurumuzàg hetahaw rehe a'e wà kury.
- b. Noho kwaw zekaipo tenteharer ko pe a'e wà rihi.
- c. Naheta kwaw wanerahahar ko pe a'e 'ar mehe wà rihi.
- d. Kwehe mehe zekaipo tenteharer nukwaw pixik kwaw ma'e a'e wà rihi.
- e. Nukyze kwaw zekaipo 'y tyhu mehe wi wà kury.
- f. Na'e zekaipo waneinyr naipuru'u wer kwaw wanupe a'e no.
- g. Nukwaw kwaw zekaipo tenteharer tyràm a'e 'ar mehe wà rihi.
- h. Naheharaz kwaw zekaipo a'e kwarer wàmuz wi a'e no.
- i. Nerepuner kwaw a'e pe nehohaw rehe ne rihi ty.
- j. Nuzapo kwaw tentehar Mair hemimutar izupe a'e.



## MA'E ZEHU IZYPY MEHE ARER IMUME'U HAW

Cíntia Maria Santana da Silva

Ko ywy rehe Mair heko mehe, noho kwaw  
zekai po tenteharer ko pe a'e wà rihi. A'e ae  
ze kaipo itazy, takihe rehe uma'erek o a'e wà.  
Naheta kwaw wanerahahar ko pe a'e mehe wà  
rihi. Mani'ywer zekaipo wata a'e ae ko piarupi  
a'e wà. Utym kutàri, iku'em ire ikatu izo'ok pyr  
romo a'e wà kury. Na'e zekwehe Mair omono kar  
wemiriko mani'ok itym pyrer ipiaromo. Iku'em  
ire oho a'e kury. Wexak tetea'u kuzà mani'ok a'e.  
Werur tàpuz me tyràm romo. Ipyr har ima'e ahy  
mehe, wexak Mair amo kuzà pyahu katu ma'e  
a'e. Omono kar wi Mair wemiriko pyahu mani'ok  
itym pyrer ipiaromo a'e no. Ku'em ire, ta'e zekai  
po tuweharupi uzapo nezewe haw a'eà zàpi.  
Na'e zekaipo hemiriko pyahu nuweruzar kwaw  
mani'ok hapo haw a'e. Mair ipuzukaiw izupe  
ize'eg mehe: ereàro putar àmàm kyr haw kwa  
rahy katete mehe, mani'ok hapo haw ne nehe  
kury. Nezewe tenteharer mani'ywer itym mehe,  
wàro àmàn ikyr haw kwahary mehe no. Nezewe  
Mair iho awer wanuwi a'e kury.



## ZEMU'E KATU HAW



1

1. Heta amo ma'e imume'uhaw paper rehe imuapyk pyrer xe ywate kutyr a'e wà, emume'u puranuhaw ywykutyr imuwapyk pyrer ne wà:

a. Màràzàwe mehe tuwe tenteharer numa'erekó kwaw kwehe mehe a'e wà rihi?

.....

b. Màràzàwe zekwehe mani'ywer wata ko pi'a rupi?

.....

c. Ma'in zekwehe Mair iku'egwepe wemireko pe a'e kury?

.....

d. Màràzàwe mehe zekwehe Mair omonokar wemiriko mani'ok itym pyrer ipi'aromo a'e?

.....

e. Màràzàwe mehe kwehe Mair ipuruzukaiw a'e?

.....

f. Màràzàwe mehe zekwehe wàro àmàn ikyr haw kwarahy mehe no?

.....

g. Mon zekwehe werur mani'ywer tenteharer wanupe a'e 'ar mehe a'e kury?

.....

h. Mon heko mehe zekwehe teko numa'erekó kwaw ko ywy rehe a'e wà rihi?



## ZEMU'E KATU HAW



i. Ma'e zekwehe Mair uzapo tuweharupi a'e?

j. Ma'e zekwehe hemiriko ipy wexak ko pe a'e?

k. Ma'e zekaipo Mair uzapo ko ywy rehe wiko mehe tenteharer wanupe a'e?

l. Ma'e 'yw izutym kutàry, ku'em ire ikatu izo'okaw kury?

m. ma'e wi zekwehe Mair ur a'e no?

n. Ma'e pe zekaipo Mair oho wanuwi kury?

o. Aipo amo tentehar heta Mair izewe kutàry gwepe?

p. Ma'e ze'eg imume'uhaw xe a'e?



## ZEMU'E KATU HAW



3

2. Màràzàwe mehe kwehe Mair wexak amo kuzà pyahu katu ma'e a'e?

- a. ( ) Ta'e Mair hemiriko ima'e ahy izuwi a'e kury. Nupuner kwaw a'e kury.
- b. ( ) Ta'e Mair hemiriko na'ipuràg kwaw kury. Hya'uwtete kury.
- c. ( ) Ai'aw pegwera'i (a) (b) ze'eg hametehar romo.
- d. ( ) Ai'aw pegwera'i (a) (b) ze'eg nanukwaw hametehar romo.

3. Ezapo ywykutyr ze'eg ikair pyrer pegwer ne wà, ze'egete rupi.

.....

.....

.....

.....

.....

.....

.....

.....



## ZEMU'E KATU HAW



1. Ezapo ze'eg henoz pyràm ywy kutyr har ne wà nehe. Emuapyk ze'eg wanenaw pe katete ne:

- a. Heta a'e amo ipetek xe teko Zawar har.
- ..... (kwer) miyaw rehe.
  
- b. Ur har Tupàn romo wamu'e a'e zekaipo.
- ..... romo izupe nehe.
  
- c. Imume'u rehe wà haw rehe ma'e zahy Zahytata.
- ..... romo a'e.
  
- d. A'e haw wi a'e ukyze u'ar no.
- ..... Mair pe wà.

2. Emuhyk ze'eg imuhyk 'ym pyrer 'aw amo ze'eg pegwer pupe ne wà: har, haw, ma'e, pyr.

- a. Uzàpixi zekaipo mukoz kàhàhàm ywypo iapo ..... (kwer) miyaw rehe.
  
- b. Ezapo zahy hemi'u izupe nehe, aze ikatu i'u ..... romo izupe nehe.
  
- c. Tupàn zekaipo ur wamu'e ..... romo a'e.
  
- d. Ta'e ipurexak wer akwez tyràm herur ..... Mair pe wà.
  
- e. Omono kwarer mani'ok izàmi ..... kuzà pe a'e.
  
- f. Uzán uzegar ..... a'e.



## ZEMU'E KATU HAW



1. Ezapo ze'eg henoz pyràm ywy kutyr har ne wà nehe.  
Ma'e nugar wep ywy kutyr har upuner ze'eg {eru-} ipy ipyhykaw rehe.

heruwete	opor	uwak
ikàg	uker	uzahak
iku'em	ukyze	uzàmim
ipuràg	upetek	uzàn
oho	upuka	uzawaw
opok	ur	uze'eg
uzewyr	wapyk	wiko
uzuhaw	wata	wixe
uzuka	wexak	



## ZEMU'E KATU HAW



6

2. Exak wep ywate kutyr har. Ezapo ze'eg amo ze'eg ipy {eru-} wanehe:

.....  
.....  
.....  
.....  
.....  
.....  
.....



## ZEMU'E KATU HAW



1. Iapo kar har, ezapo henoz pyr pepe nehe. Emuzeapo ze'eze'eg ywykutyr har amo ze'eg wanemiacpo kar haw:


- a. Ikatu kanu.
- .....
- b. Upaw zemuehaw.
- .....
- c. Utryk kuzà awa wi.
- .....
- d. Wata kwarer kwez.
- .....
- e. Im'aenukwaw kuzà ma'emume'uhaw rehe a'e.
- .....
- f. Uzàn kwarer a'e.
- .....
- g. Opor kwarera'i a'e.
- .....
- h. Opok mukaw a'e.
- .....

2. Emuzeapo ze'eze'eg ywykutyr har amo ze'eg wanemiacpo kar haw:

- a. Wexak kuzà kwarer a'e.
- .....
- b. Uzuka kuzà zapukaz a'e.
- .....
- c. Upyhyk awa pira yrykaw rupi a'e.
- .....
- d. Upetek kuzà pixàn a'e.
- .....
- e. Uhyw awa tenaw a'e.
- .....
- f. Uzàmi kuzà mani'ok.
- .....



# 6



## TUPÀN KANU ZAPO AWER

Cintia Maria Santana da Silva


**K**wehe mehe zekaipo tenteharer nukwaw pixik kwaw ma'e a'e wà rihi. Tupàn zekaipo ur wa-mu'e har romo a'e. Àmàn ikyr tetea'u mehe, nupuner kwaw zekaipo tenteharer ka'a rupi watahaw rehe a'e wà. Aze zekaipo ima'iuhez wà zàpi, na'iawyze kwaw a'e 'ar mehe wanupe a'e. Tupàn zekaipo umu'e tenteharer kanu iapohaw rehe a'e wà. Nezewe mehe zo upuner'y iahawpaw rehe wà. Wemi'uràm hekar haw romo a'e wà. Oho zekai-po Tupàn ka'a rupi a'e. Weraha zekaipo itazy no. Wexak zekaipo zutaiwa 'yw hy'gatete ma'e a'e. Uhaw zutaiwa 'yw wanupe kury. Umu'e zekaipo ipekwer ipe'ok pyrer rehe wà. Upaw ire Tupàn uza-po kar zuraw wanupe a'e. Uzatapy tata hehe wà kury. Tupàn ukana wyna pekwer tata rakukwer pupe wanupe. Ipyw tuwe a'e zuraw i'aromo a'e kury. Uzapo kanu wanupe kury. Nezewe zekaipo tenteharer uzemu'e kanu iapohaw rehe zutaiwa 'yw pekwer pupe a'e wà kury. Zemi'ikar haw romo pira ipyhykaw romo wazekyty'ar haw romo wà no. Nukyze kwaw zekaipo 'y tyhu mehe a'e wà kury. Ta'e zekaipo heta kanu 'y iyahaw har romo wa-

nupe a'e kury. Nezewe kanu heta wàm tentehar wanupe a'e. Upaw hema'emume'u haw kwez ihe kury ma.





## ZEMU'E KATU HAW



1. Heta amo ma'e mume'uhaw paper rehe imuapyk pyrer xe ywate kutyr a'e wà,  
emume'u puranuhaw ywykutyr imuwapyk pyrer ne wà:

a. Màràzàwe zekaipo uzapo tenteharer zutaiwa 'yw pe wà?

.....

b. Màràzàwe mehe zekwehe nupuner kwaw wemi'uràm hekar  
haw rehe a'e wà?

.....

c. Màràzàwe zekaipo tenteharer aze ima'uhez wà zàpi  
na'lawye ahy kwaw a'e 'ar mehe wanupe a'e?

.....

d. Mon zekaipo tenteharer umu'e kanu iapohaw rehe a'e 'ar  
mehe a'e?

.....

e. Ma'e romo zekaipo Tupàn umu'e tenteharer kanu iapohaw  
rehe a'e wà?

.....

f. Ma'e 'yw ipekwer zekaipo Tupàn uzapo kanu romo a'e 'ar mehe  
tenteharer wanupe a'e?

.....

g. Màràzàwe tupan uzapo zutaiwa 'yw ipekwer pe?

.....

h. mon zekwehe ukwaw kanu heta àwàm henteharer wanupe?

.....

i. Kanu iapo ire, ma'e we Tupan uzapo?

.....

j. Ma'e we haw romo zekwehe kanu ikatu tenteharer wanupe a'e?

.....



## ZEMU'E KATU HAW



2. Mon wanupe zekwehe Tupàn uzapo kanu a'e?

- a. ( ) Karaiw wanupe ru'u?
- b. ( ) pàràñàñ wanupe ru'u?
- c. ( ) tenteharer wanupe ru'u?
- d. ( ) miar wanupe ru'u?

3. Ma'e nugar ywyra 'yw her ma'e zekwehe Tupàn  
uzuhaw wanupe a'e kury?

- a. ( ) Zutaiwa 'yw.
- b. ( ) Peke'a 'yw.
- c. ( ) Zawarapa 'yw.
- d. ( ) Zuta 'i 'yw.

4. Emugeta 'aw ze'eg wà: "Uhaw Tupàn ywyra zutayw 'yw wa-nupe kury". Imugeta ire, emono Temu'emaw (T) Hametehar (H)  
ze'eg rehe wà kury:

- a. (V) Nume'e kwaw zekaipo ipekwer ipe'ok mehe wà.
- b. (F) Ume'e zekaipo ipekwer ipe'ok mehe wà.
- c. (V) upaw ire, Tupàn nuzapo kwaw zuraw a'e.
- d. (F) nuzatapy kwaw tata a'e.
- e. (V) upaw ire, Tupàn uzapo zuraw a'e.

5. Ezypytorogatu 'aw ze'eg pegwera'i nehe:

- a. "Weraha zakaipo tupan itazyr no. .... Uhaw zutaiwa 'yw wanupe kury."
- b. "Ipyw tuwe a'e zuraw i'aromo a'e kury. Uzapo kanu wanupe kury. .... Zemi'ikar haw romo  
pira ipyhykaw romo wazekyty'ar haw romo wà no."



## ZEMU'E KATU HAW



6. Heta amo ma'e mume'uhaw paper rehe imuapyk pyrer xe ywate kutyr a'e wà, emume'u puranuhaw ywykutyr imuwapyk pyrer ne wà:

a. Ma'e zekwehe Tupan weraha ka'a pe?

.....

b. Mo ukyze 'y tàhu mehe a'e wà?

.....

c. Ma'e wi zekwehe tupan ur wanupe?

.....

d. Ma'e ze'eg imume'uhaw xe a'e?

.....

7. Ezapo ywykutyr ze'eg ikair pyrer pegwer ne wà, ze'egete rupi:

.....

.....

.....

.....

.....

.....



## ZEMU'E KATU HAW



1. Ezapo ze'eg henoz pyràm ywy kutyr har ne wà nehe.  
Ezapo amo ze'eg puner haw inuromo ze'egete rupi:

a. Heta hemetarer izupe / ume'eg kar pape a'e.

b. Uzàn tetea'u kwarer / ikyne'o.

c. Naheta kwaw hemetarer izupe / nume'eg kar kwaw pape a'e.

d. Noho kwaw kwarer pyhàwe / nuzemu'e kwaw.

e. Ima'uhez kuzàgwer wà / na'awyze ahy kwaw wanupe.

f. Weruzar mo tenteharer Mair ize'egwer / nuzapo iwer mo kwehe  
kyhaw zawaiw katuhaw rupi.

g. Ikatu i'u pyr romo izupe / umuwawyze a'e.

h. Mo teko romo ereiko ne / nere'u iwer romo hezoromo ihewi.

i. Nezewe xiapo / xiruzar Mair ize'eg upaw rupi zane.

j. Weruzar Kuzà Mair ize'eg / nuwàro iwer romo àmàkyr kwarahy.

k. Mo Mair hemiriko na'imaeahy wer / nuekak iwer romo Mair  
amo kuzà ipyahu ma'e izuwi.



## ZEMU'E KATU HAW




### 2. Exak wep ywykutyr har wà:

ikyne'o	upepozaz
omokon	uperek
opok	upetek
opor	upyhyk
u'ar	uzai'o
uhem	uzàn
ukuhem	uzapi
umuzuhar	uzuhez
unuhem	uzurupyter
unupà	wata
upehyz	wexak
upepo'ok	



## ZEMU'E KATU HAW




Ezapo amo ze'eg wà, ze'eg wep wanehe wamuzeapyapyr pà:

.....  
.....  
.....  
.....  
.....  
.....  
.....  
.....



## ZEMU'E KATU HAW



3. 'Aw ze'eg a'e wà. Uzemytemytep a'e wà, ezapozapo  
katu wamonon wanenaw tue pupe:

I - I'i zekaipo zahy ihy zahytata pe a'e kury: ezapo zahy hemi'u izupe  
nehe, aze ikatu i'u pyr romo izupe nehe, umuwazye putar a'e nehe.

II - Amo zahytata zekaipo ipuruwerekower zahy rehe a'e. Wenz zekaipo  
zahy ihy pe a'e.


III - Oho zekaipo zahy ihy izuwi a'e. Wezar zekaipo umemyr hemiriko ràm  
ipyr a'e kury.

IV - I'i zekaipo izupe: apohareko katu zahy heko mehe, a'e zutya'i heko  
mehe pyhaw tuweharupi ywate ihe ma.

V - A'e rupi xiexak zahytata zahy huake tuweharupi zane kury.

Exak ze'eg ikair hametehar pyrer wà kury:

- a) ( ) I, II, III, IV, V.
- b) ( ) III, I, IV, II, V.
- c) ( ) II, IV, I, III, V.
- d) ( ) V, IV, III, II, I.



# 7

## AMO KUZÀ REHE MA'E IMUME'U HAW TAPI'IR REHE WÀ

Cíntia Maria Santana da Silva

**K**wehe mehe zekaipo amo tentehar kuzà waza ko pe wiko zoromo itym a'e. Amo'ar mehe oho oko pe zoromo rehe me'e pà. Na'e wexak zoromo tapi'ir hemi'ukwer. I'i zekaipo a'e kuzà uzeupe a'e kury: – aze mo teko romo ereiko ne, nere'uiwer romo hezoromo hewi ne. Na'e tapi'ir wenu muite wi a'e no. A'e tapi'ir uezapo awa puràgete ahy ma'e romo kuzà huwa rupi a'e kury. Uzemyrypar hehe kury. Uzamutar katu kuzà a'e no. Uzemuawaxa wà kury. Tuweharupi zekaipo weraha hemi'u izupe a'e kury. Amo 'ar mehe, wexak zàmizàmim zekaipo ikywyr a'e wà kury, itutyr a'e wà kury. Oho zekaipo hakykwer romo wà kury. Uzepyaka ihapukaz mehe tapi'ir pe wà. I'i zekaipo ihapukaz tapi'ir pe a'e:

*Waxure, aiko neputaw wà. (3x)*

*Nahai ro ko, Pygwari. (3x)*

U'u zekaipo tapi'ir zoromo memek izupe a'e no. A'e mehe wexak ikywyr tapi'ir izeapo mehe awa puràgete ahy ma'e romo a'e kury. Uzewyr oho tàpyz me wà kury. Amo 'ar mehe, i'i zekaipo weinyr pe wà: epyta xe tàpyz me kutàri nehe kury, ezapokatu zepehe ne nehe, ka'a rupi oroho

putar ure rihi. Na'e zekaipo hemu'em weinyr pe a'e wà. Oho zekaipo tapi'ir hexak pà wà kury. Weraha inputaw izupe wà no. Uhem a'e pe. Uhapukaz izupe wà kury:

*Waxure, aiko neputaw wà. (3x)*

*Nahai ro ko, Pygwari. (3x)*

Uzàn zekaipo tapi'ir ur a'e no. Ihem mehewe, uzywà ikywyr tapi'ir a'e wà kury. Ozo'ok zekaipo tapi'ir hemokwer izuwy wà. Umuke'e wà. Oxoxok wà no. Weraha weinyr pe i'u kar pà kury. Na'e zekaipo waneinyr naipuru'u wer kwaw wanupe a'e no. Uzemumikahy zekaipo a'e kuzà iko a'e kury. Amo 'ar mehe uzepyk putar zekaipo wanehe a'e nehe no. Uhapukaz zekaipo wàkà'i wanupe a'eà no: xizahak zaha 'y pe hekà'i wà, i'i zekaipo wàkà'i wanupe a'eà no. Weraha paw katete zekaipo wàkà'ika'i 'y pe a'e wà kury. Upyta zekaipo xo awa kwer tàpyz me a'e wà kury. 'y pe wahem mehe upaw ua'uar 'y pe wà. Uzegar paw rupi wàkà'i pyr wà. Uzepumi zekaipo 'ypyte pe a'e wà kury. Uzeapo ipira romo a'e wà kury. Heiheihem zekaipo zawar wanehe 'y pe a'e kury. A'e zutyka'i zekaipo ikywyr wiko a'e wà kury. Ipurahu kuzà'ym a'e wà kury.



## ZEMU'E KATU HAW



1

1. Heta amo ma'e mume'uhaw paper rehe imuapyk pyrer xe ywate  
kutyr a'e wà, emume'u puranuhaw ywykutyr imuwapyk pyrer ne wà:

a) Ma'e zekaipo a'e kuzà ikywyr o'ok tapi'ir wi a'e wà?

b) Ma'e zekwehe kuzàwaza wexak ko pe?

c) Ma'in zekwehe kuzà izeupe a'e?

d) Ma'e romo zekwehe tapi'ir uezapo kuzà huwa rupi a'e kury?

e) Ma'in zekwehe tentehar kuzà tapi'ir pe uhapukaz pà izupe zàpi?

f) Ma'e romo uezapo zekaipo kuzàgwer opor mehe 'y pupe wà kury?

g) Màràzàwe zekaipo ikywyr uzemumik iko a'e wà kury?

h) Ma'e nugar teko zekwehe wà uzuka tapi'ir kuzà uzemuawaxa  
haw izuwi wà?

i) Màràzàwe zekwehe ikywyr wanupe uezapo akwez 'ar mehe?



## ZEMU'E KATU HAW



j) Aipo ko 'ar rehe heta we miar uezapo ma'e romo kuzawaza pe?

k) Mâràzàwe mehe zekwehe kuzà ikywyr uzapo nezewé haw izupe a'e wà?

l) Ma'e zekwehe kuzà weraha tapi'ir hemi'u ràm romo izupe?

m) Mâràzàwe mehe zekwehe kuzà uzepyk ukywyr wanehe?

n) Ma'e zekaipo umuke'e ixoxok pà wà no?

o) Ma'e rehe ma'emume'u haw xe a'e kury?

p) Ma'e pe zekwehe kuzà wiko a'e, ma'e zekwehe uzapo iko a'e pe?

q) Ma'e wi zekwehe kuzà heharaz a'e 'ar mehe?

r) Ma'e wi zekwehe tapi'ir ur izupe a'e no?



## ZEMU'E KATU HAW



3

2. Mo zekaipo uzepyk ukywyr wanehe a'e:

- a. ( ) Wane'inyr uzepyk wanehe.
- b. ( ) Uzawar uzepyk wanehe.
- c. ( ) Tapi'ir uzepyk wanehe.
- d. ( ) Zàwàruhu uzepyk wanehe.

3. Ma'e ze'eg imume'uhaw xe a'e:

.....

.....

.....

.....

.....

.....

.....

.....

59



## ZEMU'E KATU HAW



4

4. Ezapo ywykutyr ze'eg ikair pyrer pegwer ne wà, ze'egete rupi:

---

---

---

---

---

---

---

---

---

---

---

---

---

---



## ZEMU'E KATU HAW



5

I' AMO HEMYRYPAR  
IHEWE : HEREKO HAW  
NUZAWY KWAW  
ZAHYTATA TATE  
A'U YWATE HAR  
A'i

ZATA ZAHY PYTU  
NAHY HAW DE  
RANA'YMETE ZA  
HA ZAHYTATA ME  
HE X E TANITY  
KAI TURYWETE  
HAW A'E KUNY  
ZAKWA.



IHE AE  
HE PYNOG WER  
ZAHYTATA TE  
TE A'U NEHE MA



Ma'eragapaw: Trajano Paulino Guajajára, Zutiw pe, 17 dez. 2014.

1. Emogeta ze'eg uhu katu. Emume'u puranuhaw kwaw paw ne kury. Emogeta ze'eg uhu katu ywy kutyr har:

a. Ma'e ikatu 'ym ma'e karaiw wanekohaw weru wiwi hereko zane-rekohaw kutyr rehe?

.....  
.....  
.....

b. Ma'e ikatu ahy ma'e karaiw wanekohaw weru wiwi hereko zane-rekohaw kutyr rehe?

.....  
.....  
.....

c. Aipo kutu ru'u karaiw upyro wi putar zaneywy zanewi wà no?

.....  
.....



## ZEMU'E KATU HAW



1. Ezapo ze'eg henoz pyr ywy kutyr har wà.  
Ezapo kar ze'eg ywykutyr har akwez ma'e neremimutar haw rupi.

- a. Awa uzàn a'e (kuzà hemimutar).
- .....
- b. Uzuka awa tapi'ir a'e (kuzà hemimutar).
- .....
- c. Napirapyhyk kwaw ihe (awa hemimutar).
- .....
- d. Ne erepepo'ok zapukaz (heremimutar 'ym rupi).
- .....
- e. Nereker pixik kwaw ne ra'a (heremimutar).
- .....
- f. Ipuràgete ahy kuzà (heremimutar rupi).
- .....
- g. Nuzuka kwaw awa arapuha a'e (kuzà hemimutar rupi).
- .....
- h. Imá'enukwaw awa ma'emume'u haw rehe a'e (neremimutar 'ym rupi).
- .....



## ZEMU'E KATU HAW



7

2. Ezapo kar ze'eg ywykutyr har akwez ma'e neremimutar haw rupi.

- a. Awa uzàn a'e (wemimutar).
- 
- b. Uzuka awa tapi'ir a'e.
- 
- c. Napirapyhyk kwaw ihe.
- 
- d. Ne erepepo'ok zapukaz.
- 
- e. Ipuràgete ahy kuzà.
- 
- f. Nuzuka kwaw awa arapuha a'e.
- 
- g. Nereker pixik kwaw ne ra'a.
- 
- h. Ima'enukwaw awa ma'emume'u haw a'e.

63



## ZEMU'E KATU HAW



### 3. Exak wep ywy kutyr har ne kury:

upuner      uzeagaw  
upytu'u

ukwaw  
umumaw

Ezapo ze'eze'eg zawa'iw katu haw rupi mokoz wep rupi:

- a. Uzuka awa arapuha a'e (upuner).
- .....
- b. Awa uzàn a'e (upuner).
- .....
- c. Uzuka awa arapuha a'e (uzeagaw).
- .....
- d. Awa uzàn a'e (uzeagaw).
- .....
- e. Uzuka awa arapuha a'e (ukwaw).
- .....
- f. Awa uzàn a'e (ukwaw).
- .....
- g. Awa uzàn a'e (upytu'u).
- .....

h. Upetek awa zawar a'e (upytu'u).

- i. Awa uzàn a'e (umumaw).
- .....
- j. Uzuka awa arapuha a'e (umumaw).
- .....
- k. Nupirapyhyk kwaw awa a'e (upuner).
- .....
- l. Ima'enukwaw awa ma'emume'u haw rehe a'e (uzeagaw).
- .....
- m. Ipuràgete ahy kuzà (ukwaw).
- .....
- n. Upetek awa zawar a'e (upytu'u).
- .....
- o. Ereker pixika'i ne ra'a (umumaw).
- .....




## ZEMU'E KATU HAW



9

4. Emuhikatu 'aw ze'eg ipegwera'i {haw} har {haw rehe}  
ywykutyr har ne:

- a. Ukwaw kuzàtai uzeupir \_\_\_\_\_ ywyra rehe a'e.
- b. Uzeagaw awa y'a izuka \_\_\_\_\_ a'e.
- c. Erepuner ma'e 'yw i'a kwer paw i'u \_\_\_\_\_ nehe, i'i izupe.
- d. Erepuner amo ma'e iapo \_\_\_\_\_ ne no?
- e. A'e 'ar mehe pyhaw tuwhawete nupuner kwaw uker \_\_\_\_\_.
- f. Ukwaw kuzà kyhaw iapo \_\_\_\_\_ a'e.
- g. Apuner tuwe zemete\_\_\_\_\_ ihe kury!
- h. Mâràzàwe mehe erepuruzukaiw iko pixàn ipetek \_\_\_\_\_ ne?
- i. Ukwaw kwarer uzegar \_\_\_\_\_ awa romo a'e kury.
- j. Oho awa zemi'ikar \_\_\_\_\_ pe.
- k. Tupàn ikatu \_\_\_\_\_!
- l. Xo turywete \_\_\_\_\_!
- m. Azamutar heker \_\_\_\_\_.
- n. hereko \_\_\_\_\_.
- o. heho \_\_\_\_\_.
- p. heho wer katu \_\_\_\_\_.
- q. kuzà izurupyter wer katu \_\_\_\_\_.




## ZAHYTATA REHE MA'E IMUME'U HAW ZAHY REHE WÀ

Cíntia Maria Santana da Silva

Amo zahytata zekaipo ipuruwereko wer zahy Arehe a'e. Wenoz zekaipo zahy ihy pe a'e. I'i zekaipo izupe: apohareko katu zahy a'e zutyka'i heko mehe pyhaw tuweharupi ywate ihe pa. I'i zekaipo zahy ihy zahytata pe a'e kury: ezapo zahy hemi'u izupe nehe, aze ikatu i'u pyr romo izupe nehe, umuwayze putar a'e nehe. Oho zekaipo zahy ihy izuwi a'e. Wezar zekaipo umemyr hemiriko ràm ipyr a'e kury. A'e rupi xixak zahytata zahy huake tuweharupi zane kury.



## ZEMU'E KATU HAW



1. Heta amo ma'e mume'uhaw paper rehe imuwapyk pyrer xe ywate kutyr a'e, emume'u puranuhaw ywy kutyr imuwapyk pyrer ne wà:

a. Màràzàwe mehe zekaipo zahy ihy oho izuwi a'e?

b. Ma'in zekaipo zahytata zahy ihy pe a'e kury?

c. Mo ipyr zekaipo zahy ihy umemyr wezar a'e?

d. Ma'in zekaipo zahy ihy zahytata pe?

e. Màràzàwe mehe zekwehe zahy ihy oho izuwi?

f. Màràzàwe mehe zekwehe wezar umemyr hemiriko ràm ipy a'e kury?

g. Mon rehe zekaipo zahytata ipurereko wer a'e no?

h. Ma'e nugar zekwehe upuhareko katu zahy heko mehe a'e zutya'i a'e?

i. Mon zekaipo ipurereko wer zahy rehe a'e?

j. Mon pe wenoz zahytata nezewé mehe a'e kury?

k. Ma'e imume'u haw rehe zaze'eg iko zane?

l. Mon uzapo kar zahy hemi'u ràm izupe a'e?



## ZEMU'E KATU HAW



1. Emogeta ze'eg uhu katu. Emume'u puranuhaw kwaw paw ne kury.  
Emogeta ze'eg uhu katu ywy kutyr har:

- a. Uzutym tentehar ywate kutyr har ma'e 'yw pyahu ràm a'e! Ma'e tuweerezapo wiko?

.....  
.....

- b. Ma'e haw romo ywyra 'yw utym iko a'e?

.....  
.....

- c. Ma'e haw romo utym ywyra 'yw iko a'e, i'akwer ru'u i'u haw zuwi?

.....  
.....

- d. Erepuner hepytywà haw rehe ywyra 'yw itym haw rehe aipo ne no?

.....  
.....



- e. Ma'e xipuner iapo haw rehe ka'a rehe izekaiw haw rehe?

.....  
.....



## ZEMU'E KATU HAW

3



2. Emogeta ze'eg uhu katu. Emume'u puranuhaw kwaw paw ne kury. Emogeta ze'eg uhu katu ywy kutyr har:

a. Ma'in kwehe zapukaza'yr pixàn pe a'e?

.....  
.....  
.....

b. Måràzàwe mehe uzamutar pixàn 'aw ànàm?

.....  
.....  
.....



Este livro foi composto com os tipos da família Frutiger Sans. Os títulos são  
customizações de desenhos da família Aleo Sans.

---

Impresso em papel alta alvura 150 g/m<sup>2</sup> em Policromia e Full Black.  
Tiragem 2000 exemplares.

2018